

## Cartulaire de Marmoutier pour le Vendômois, Nr. 102

Notificari volumus successoribus nostris, quod quidam miles de Vindocino, Ivolinus nomine, filius Salomonis clerici, divina miseratione compunctus, dedit Sancto Martino ad usum scilicet fratrum in loco Maioris Monasterii omnipotenti Domino servientium, IIos campos terre arabilis, unum videlicet consistentem in villa que Pictavis appellatur, alterum vero apud villam Tridiacum, annuentibus filiis suis Guicherio atque Rodulfo. In qua etiam villa, id est Tridiaco, dedit idem vir moriens prefato Sancto unam mansuram alodisin. Quo siquidem mortuo, predicti filii eius Guicherus atque Rodulfus, portaverunt eum tumulandum ad Maius Monasterium, et in redemptionem unius tapeti quod patri mortuo suppositum fuerat, ut est consuetudo nobilium, dederunt ipsi filii monachis unum campum alodi, apud villam Gumbergenam, situm etiam ante ecclesiam. Nomina vero testium qui hæc omnia fieri videntes et audientes affuerunt, subter inserta sunt. S. Guicherii et Rodulfi filiorum eius – S. Arnaldi – S. Guaufridi – S. Atærii – S. Mali vicini.